



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Decimusquartus. Videlicet in hac passione esse silentium, quo
mysticus se habet medio modo, viae, & patriae.

urn:nbn:de:hbz:466:1-9766

Videlicet in hac passione esse silentium,
quo mysticus quodammodo se habet me-
dio, modo viae, & patriæ.

ARTICVLVS DECIMVS QVARTVS.

[Am mysticus sedebit [solitarius, a &
tacebit, & leuabit se super se,] [præ
cognitione factus absque cognitione,
b & præ amore absque amore.] quo e-
nim [ad superiora contendimus , eò
magis verba aspectu rerum , quæ sub
mentem cadunt , contrahuntur. quem-
admodum etiam hoc tempore , in ca-
liginem quæ mentem superat introeun-
tes , non breuem orationem ; sed c si-
lentium , & intelligentiæ priuationem
reperiemus.] [Deus enim repræsenta-
tur animæ rationali , non sub ratione
alicuius particularis attributi ; sed qua-
tenus in se infinitè amabilis est ; sub e-
minentissima , & simplicissima ratione
quæ omnes , & d' excogitabiles rationes
particulares amandi , comprehendit.] [Diuinæ autem mentes , quando post
omnem mentis actionis cessationem ,
mentium diuino numine permotarum
eiusmodi sit cum diuina luce coniunc-
tio , lucem ipsam maximis laudibus af-
ficiunt , omnium quæ sunt detractione :
atque hoc ipsum verè mirabiliterque
illustrati à beatissima cum ea coniunc-
tione , didicerunt lucem illam diuinam
causam quidem esse eorum quæ
sunt omnium ; eorum autem nihil esse ,

vt quæ singulari ratione secreta sit ab
omnibus , ac diuinitatem quidem quæ
essentiam superat , quidquid tandem sit
bonitatis , Essentiæ , Essentia omni su-
perior , nec vt verbum aut vim , neque
vt mentem , aut vitam , vel essentiam
fas est laudare cuiquam eorum , qui ve-
ritatis , quæ veritati omni superior est , a-
matores sunt atq; studiosi ; sed vt eximio
modo solutam , ac liberam ab omni
habitu , aut motu , vita , visione , op-
inione , nomine , sermone , cogitatio-
ne , intelligentia , Essentia , statu , fir-
mitate , coniunctione fine , infirmita-
te , denique à rebus omnibus .]

Itaque quando cum ipso Deo in per-
fectissima amoris actuatione vnum ef-
ficiuntur , vacant hic iam diuinæ men-
tes . diuina regnat vnitas , vnitateque di-
uina , formatæ mentes agunt , affe&tant
que vt benè sint , & bono quodam , es-
fendo fruantur ; ideo etiam nec intel-
lectus , nec vita , nec essentia , ita Deo
conueniunt , sicut bonum . quia ergo
in tali Nunc existentiæ ; ipsum bonum ,
seu communicatio diuinæ naturæ ani-
mam vsque adeò silentiosè informat ;
medio quodam modo viæ , & patriæ
se habet mysticus . & [in hac vita f su-
premo modo fruitionis , quæ est supra
fidem , & infra diuinæ essentiæ visio-
nen] viuit . sicut enim prius intellectus
post conceptum Dei quidditatium in
abstracto , seu pro vt sub eminentissi-
ma , & simplicissima ratione omnes
possibles , & excogitabiles rationes

Ecc 3

parti-

a Thren.3. b Taul.Instit.r.12. c S.Dion.Theol.Myst.r.3. d S.Thom.1:parte. e S.Dion.de
din.c.1. f S.Thom.2.2.q.180 a.5.e.

particulares amandi superexcedit , à tempore , à nulla creatura inter turbati , gloria maiestatis oppressus fuit , ita ut nullum amplius verbum exprimere posset ; sed lumine duntaxat diuino illustraretur suspensus ; pari modo ipsa voluntatis actiuitas , supra intellectum exercita , remittere debet : ut diuino amore principaliter agente , ipsa autem passiuè se habente felicius agatur , quam agat . & [effetu amoris a qui est mutua inhæsio , & vnio ,] potiatur : ipsa autem animæ essentia , gratiæ , & ipsius vita æternæ sedes , non ut truncus absque sensu ; sed sua perfectione , & vita quasi per introceptionem potentiarum viuat , & in tensu diuino sibi soli proprio modo , eminenter alatur : ita ut tam arcta vnio , sat [actualis b perceptio Dei , siue prægustatio quædam gloriæ , pignus , & arrha felicitatis æternæ ,] per ipsum diuinum percipere , & sentire manens in actione vitæ , post , & supra operationes intellectus , & voluntatis , directè exercitas .

[O quam benè , & optimè est tunc c animæ amorosæ ? quam serena , quam iucunda , quam uniformia , quam tranquilla sunt omnia tunc in ea ? vbi tunc nebula vitiorum ? turbines passionum ? inuolutiones phantasmatum ? varietates distractionum ? inquietudo temptationum ? nonne à præsentia solis iustitiae , à conspectu , & ardore , atque fulgore solis sapientiæ , fugiunt omnia illa ?] ita ut extra sphæram , seu accessum sit rerum impertinentium ; & pro eo

aut contingi possit inter tempus , & æternitatem diuinitùs suspensa . & sic vere , d vno mystica se habet medio modo inter duas species , scilicet claræ visionis patriæ , & virtutum Theologiarum fidei , spei & charitatis viae . & certè si [cognitio hominis in statu e innocentia , erat media inter gloriam , & viam ,] cur non etiam vlique adeò eminens communicatio , & bene-affidentia diuinæ naturæ , & vitalis vita , medio modo viæ , & patriæ suauem mentis excessum constituant ? ibidemque , beata vita , in suo fonte viuat ? non tam operando , quam accipiendo ; vndè & consequenter dicitur ,

Tum demum mysticum esse in summo modo huins vitæ , non operandi , sed à Deo accipiendi ; tamen ad mensuram doni sapientiæ supernaturalis .

ARTICVLVS DECIMVS QVINTVS.

C Vm de fruitionibus diuinis loquimur , magna differentia consideranda est , inter recipere , & operari imò talis , qualis inter agere , & pati : quæ in exercitio actus perfectionem suam consequuntur , sicut excedentia & excessa . Vndè licet in nunc præsenti de quo loquimur , [fanima per virtutem amatiam super omnem imaginem ,

a 1.2.q.28.a.1. & 2. b Gers. tract.7. sup. Magnif. c Dion. Carth. defont. lyc. a.17. d Loff. de sum Bon. l.2.c.1. e S. Bonav. l. d.23 a.2.q.3. f Harph. l.3.p.3.c.24.